

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO PRAVOSUĐA I UPRAVE
Broj: UP1-06/1-05-025905/18
Tuzla, 10.9.2018. godine

Na osnovu člana 7. Zakona o ministarstvima i drugim organima uprave Tuzlanskog kantona ("Službene novine Tuzlanskog kantona" br. 17/00, 3/01, 12/03, 10/05, 3/08, 8/11 i 15/13), člana 26. stav 2. i člana 29. Zakona o udruženjima i fondacijama ("Službene novine Federacije BiH", broj: 45/02), odlučujući po zahtjevu Udruženja interventnih kardiologa iz Tuzle za upis u Registar udruženja Tuzlanskog kantona, Ministarstvo pravosuđa i uprave donosi sljedeće:

R J E Š E N J E

Odobrava se upis Udruženja interventnih kardiologa u Registar udruženja Tuzlanskog kantona.

Udruženje je upisano u Registar udruženja Tuzlanskog kantona, u knjigu **II**, pod rednim brojem **188/18**, dana **10.9.2018.** godine.

Naziv udruženja je: **Udruženje interventnih kardiologa.**

Skraćeni naziv udruženja je: „**UIK**“.

Sjedište udruženja je: **Tuzla, ul. Mehmedalije Maka Dizdra, Stupine C2**

Osnovni sadržaj djelatnosti udruženja je:

1. Unapređenje interventne kardiologije,
2. Saradnja sa istim ili sličnim udruženjima, asocijacijama, organima vlasti i institucijama u zemlji i inostranstvu, u svrhu ostvarivanja djelatnosti Udruženja, u skladu sa Zakonom,
3. Rad na poboljšanju zdravlja stanovništva, a posebno radi ostvarivanja specijalizovanih programa, kao što su prevencija, dijagnostika i terapija kardiovaskularnih oboljenja,
4. Učešće i podsticanje na stalno stručno usavršavanje doktora medicine iz oblasti kardiologije, kako na usvajanju novih znanja, tako i na primjeni i radu sa novim tehnologijama,
5. Organizovanje i podsticanje rada na različitim projektima koji su u vezi sa unapređenjem zdravlja stanovništva,
6. Osmišljavanje, pokretanje i organizovanje akcija edukativnog i preventivnog sadržaja, u kojima će se obezbijediti široko učešće stanovništva,
7. Medijsko popularisanje aktivnosti koje su usmjerene na očuvanje i unapređenje zdravlja stanovništva,

2.

8. Obavljanje i drugih aktivnosti radi ostvarivanja programskih ciljeva Udruženja,
9. Organizovanje kongresa, simpozija i savjetovanja, i drugih oblika komunikacije iz oblasti interventne kardiologije u svrhu ostvarivanja djelatnosti udruženja, u skladu sa Zakonom,
10. Rad na angažovanju u zaštiti autorskih prava svojih članova,
11. Zalaganje za učešće u realizaciji studija i projekata u oblasti interventne kardiologije.

Udruženje zastupa i predstavlja: **Elmir Jahić** predsjednik Udruženja i **Alan Jahić**, sekretar Udruženja.

Udruženje će djelovati na području: **Tuzlanskog kantona**.

Danom upisa u Registar Udruženje interventnih kardiologa stiče svojstvo pravnog lica.

O b r a z l o ž e n j e

Udruženje interventnih kardiologa podnijelo je Ministarstvu pravosuđa i uprave Tuzlanskog kantona zahtjev za upis u Registar udruženja, uz koji je dostavljen Statut, Odluka o osnivanju, zapisnik o radu osnivačke skupštine, popis osnivača i članova upravnih organa i imena i prezimena lica ovlaštenih za predstavljanje i zastupanje.

Kako su ispunjeni uslovi za upis u registar propisani Zakonom o udruženjima i fondacijama ("Službene novine Federacije BiH" broj: 45/02) i Pravilnikom o načinu vođenja registra udruženja i fondacija i stranih međunarodnih nevladinih organizacija ("Službene novine Federacije BiH", br. 61/02 i 8/08) odlučeno je kao u dispozitivu.

POUKA O PRAVNOM LIJEKU:

Ovo rješenje je konačno u upravnom postupku i protiv njega nije dopuštena žalba, ali se može pokrenuti upravni spor podnošenjem tužbe Kantonalnom sudu u Tuzli, u roku od 30 dana, od dana prijema ovog rješenja.

SO/SA

DOSTAVLJENO :
1 x Podnosiocu zahtjeva
1 x Evidenciji
1 x Arhivi



PO OVLAŠTENJU MINISTRICE

S. Aganović
Svjetlana Aganović

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO PRAVOSUĐA I UPRAVE
Broj: UP1-06/1-04-019427/23
Tuzla, 15.06.2023. godine

Na osnovu člana 7. Zakona o ministarstvima i drugim organima uprave Tuzlanskog kantona (prečišćeni tekst "Sl. novine Tuzlanskog kantona" broj 10/18), člana 26. st.2. i člana 29. Zakona o udruženjima i fondacijama ("Sl. novine Federacije Bosne i Hercegovine", br. 45/02), Ministarstvo pravosuđa i uprave Tuzlanskog kantona, odlučujući po zahtjevu Udruženja interventnih kardiologa iz Tuzle, za upis promjena u registar udruženja Tuzlanskog kantona, donosi slijedeće:

R J E Š E N J E

Odobrava se upis promjena, kako slijedi:

1. Udruženje interventnih kardiologa mijenja sjedište tako što je umjesto dosadašnjeg sjedišta Tuzla, Mehmedalije Maka Dizdara, Stupine C2, sada sjedište Tuzla, Alekse Šantića br.8.,
2. Odobrava se izmjena i dopuna Statuta Udruženja interventnih kardiologa shodno Odluci od 01.06.2023. godine.
3. Promjena sjedišta i izmjena i dopuna Statuta kako je navedeno u prethodnim stavovima upisane su u Registar udruženja građana u knjigu **II** pod rednim brojem **188/18**, dana **15.06.2023.** godine.

O b r a z l o ž e n j e

Udruženje interventnih kardiologa prijavilo je promjenu sjedišta i izmjenu i dopunu Statuta udruženja.

Uz zahtjev za upis promjena dostavljene su Odluke Skupštine o promjenama i zapisnik sa sjednice Skupštine.

Uvidom u dostavljenu dokumentaciju ustanovljeno je da su ispunjeni uslovi za upis promjena u Registar udruženja propisani Zakonom o udruženjima i fondacijama ("Sl. novine FBiH", br. 45/02) i Pravilnikom o načinu vođenja registra udruženja i fondacija stranih i međunarodnih nevladinih organizacija ("Sl. novine FBiH", br. 61/02, 8/08 i 78/10) te je odlučeno kao u dispozitivu rješenja.


POUKA O PRAVNOM LIJEKU:

Ovo rješenje je konačno u upravnom postupku i protiv njega nije dopuštena žalba, ali se može pokrenuti upravni spor podnošenjem tužbe Kantonalnom sudu u Tuzli, u roku od 30 dana, od dana prijema ovog rješenja.

LP/TAM

DOSTAVLJENO :

- 1 x Podnosiocu zahtjeva**
- 1 x Evidenciji**
- 1 x Arhivi**



MINISTRICA
Nataša Marošević
Nataša Marošević